

重金禮聘「星級組合」拍演唱會海報

BIG FOUR「醇」友誼 發放正能量

由張衛健(Dicky)、許志安、蘇永康和梁漢文(Edmond)組成的BIG FOUR，將於8月9至11日在紅館開騷，他們相隔12年合體再踏紅館舞台，演唱會海報重金禮聘鬼才林海峰(Jan)擔任創意大腦，星級攝影師夏永康親自操刀，捕捉BIG FOUR最型一面，以及凸顯他們超過30年的友情，化作正能量傳播出去。



■BIG FOUR識於微時，互爆黑歷史都不會傷感情。

張衛健表示「BIG FOUR」由林海峰命名：「我哋第一張演唱會海報，4個人咬住支玫瑰花嗰張，就係Jan幫我哋做。好開心今次我哋三顧草廬，邀請到佢出山。」Jan幽默回應：「嗰次演唱會係2010年，即係隔咗15年先至有第二個Job，都算係咁，我終於發市！」2013年BIG FOUR舉行第2次紅館騷，至今相隔12年。

Dicky認長輩：牽牛上樹有啲難

身為時裝達人的蘇永康，被問有否為3位拍檔設計造型？他說：「都要問過Jan先！好開心又再同大家襯衫襯飾物。（好困難？）困難喺我度，我依家嘅Size畀唔到佢哋用，除咗啲披肩圍巾。（要加拐杖、護膝、護膝？）好彩仲未需要！」

拍攝海報期間，播放多首有關友情的歌曲，Jan笑言：「最初揀咗《監獄風雲》首歌《友誼之光》，諗住播呢



■林海峰以醇酒形容BIG FOUR的友誼。

啲歌幫佢哋帶入情緒，後嚟發覺都唔需要，佢哋4個好快就好自然咁入咗嗰個氛圍，呢個就係大家都好想喺台上見到佢哋嘅感覺。尤其Dicky，佢好清楚我想大家表達乜嘢，一直帶住大家，始終年紀最大。」Dicky說：「長輩嘛！牽牛上樹係有啲難度，仲要係3隻牛，但係佢哋都聽話。」

相隔12年，各人除了成家立室，蘇永康更榮升父親，問到開騷如何湊仔？他說：「輪到佢就番我一次啦！团团自出生開始，成日見到呢3位叔叔，又分別睇過佢哋唱歌，但未見過我哋4個同台表演。」

Edmond爆料：「佢成日逼個仔睇喇！」你一言我一語，充滿笑聲。Dicky說：「BIG FOUR走埋一齊，自自然然就會帶到快樂界大家。經過咁多年之後，希望今次除咗快樂，大家有更多得着。」Jan以醇酒形容他們的友誼和情懷。



■張衛健是隊中的「氣氛擔當」。

黎諾懿自掏腰包 請長者食兩餸飯

黎諾懿於無綫節目《一日打工限定》從事兩餸飯店員，他在店長芳姐帶領下學習搬材料、記價錢、煮餸、舀餸等，考記性又考體力。由於不同的餸價錢不同，諾懿需要記住每道餸的分量及收費，不過他豪氣說：「你知唔知我入行之係會計師？」可惜最後卻因眼力不足未能過關，他苦笑說：「原來當40碟餸睇晒你面前，你係搵唔到啲餸喇！」

當諾懿得知飯店平時會免費送飯盒給有需要的街坊，他即捐出50份「福飯」，並親自下廚煮兩款餸，分別是茄汁蝦和鹹魚蒸肉餅。他先到街市買材料，原本50人份豬肉叫價750元，諾懿成功講價至500元。他下廚時非常貼心，刻意減少鹽和糖的分量，並於派發「福飯」時祝福長者們：「身體健康」、「希望食得開心。」盡顯暖男一面。



■黎諾懿做一日兩餸飯店員。

趙頌茹為馬天佑開金口

馬天佑(Mayao)上周六在廣州舉行《我們什麼都不是》巡迴演唱會第一站，今次演唱會是Mayao首次衝出香港，將個人音樂故事帶到內地舞台，他一口氣演繹20首個人作品，以音樂串連自己15年來的成長歷程，為觀眾呈現一場充滿情感與驚喜的視聽盛宴。他邀得久未在公開場合唱歌的趙頌茹擔任表演嘉賓，兩人合唱《大孩子》及《發奮》，掀起全場回憶殺。另一表演嘉賓張馳豪與Mayao合唱《你那麼愛她》，兩人深情對唱，盡展默契。



■趙頌茹與馬天佑拖手合唱。

林奕匡化身酒店前台職員

林奕匡(Phil)近日推出新歌《無題時想起的人》，遠赴英國傳統大宅拍MV，因該建築物充滿歷史感，這種感覺正可呼應歌中講及人與過去回憶的主題。Phil於MV飾演酒店前台職員，接待不同顧客。他表示酒店前台職員經常面對不同的人，與新歌有很多共通點：「啲人嚟酒店住幾日就離開，就好似人生入面有啲人只會出現一陣就離開，但都會為你嘅生活留下痕跡。」Phil覺得雖然有些人與事都會離去，但與他們的回憶會好好收藏在內心當中。



■林奕匡遠赴英國拍MV。